



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1546. usque ad annum 1549

Fleury, Claude

August. Vind. [u.a.], 1770

VD18 90118529

§. 92. De Sacramento Baptismi.

[urn:nbn:de:hbz:466:1-66608](https://nbn-resolving.de/urn:nbn:de:hbz:466:1-66608)

telligatur, non ut impleant ea, quæ in man-Sæcul. XVI.
datis Dei exiguntur; sed quatenus ad ea A.C. 1549.
adimplenda, non ut alii homines pænarum
metu, & imperio legis compellantur; sed
ea jam non inviti, immo vero volentes fa-
ciant.

§. XCII.

De Sacramento Baptismi.

Articulus undecimus præprimis agit de doctrina Sacramentorum, eorumque numerum septenarium definit, simulque decidit, ea non esse ritus simplices, quod quidam impie consingunt, sed sacrosancta signacula, & efficacia signa, quæ rite ea suscipientes gratiam eis conferendo sanctificant.

XII. Declarat, Baptismi virtute omne prorsus peccatum tam originale, quam actuallē remitti, nec quidquam in rite baptizato relinquī, quod ab ingressu regni cœlestis remorari eum queat: concupiscentiam enim, quæ post baptismum in nobis ad agonem, non ad culpam, relinquitur, jam non esse peccatum vera ratione peccati, sed peccatum ob id appellari, quod per peccatum facta, & ex peccato relicta sit, & ad peccatum amplius inclinet.

XIII. Profitetur, datum etiam parvulis in fide Ecclesiæ baptismum, ad abolen- dum originale peccatum, & ad salutem con- sequendam, efficacem esse, eumque semel rite,

A a a 2 etiam

Sæc. XVI. etiam a parvulo suscepsum, aut ab heretico,
A.C. 1549. vel infideli in forma Ecclesiae cum recta
 intentione datum, sine injuria Christi (in
 cuius mortis similitudinem semel pro nobis
 redimendis toleratæ traditur) sine gran-
 di piaculo amplius iterari nec posse, nec
 debere.

XIV. Præcipit, ne aliter, quam adhi-
 bitis exorcismis, & exsufflationibus, unctioni-
 bus etiam, & ceteris ritibus, per Catho-
 licam Ecclesiam ab antiquo observari solitis;
 & in aqua non profana, sed solenni benedi-
 ctione, & sacri chrismati unctione, sanctifi-
 cata, extra casum necessitatis, baptismum ad-
 ministrare præsumant.

XV. Parochis injungit, ut de pueris
 ex necessitate baptizatis diligenter inqui-
 rant, & si compererint aliqui debitam ver-
 borum formam observatam, baptismum qui-
 dem sic traditum approbent: eos vero, qui
 dum baptizarentur, unctiones non recepe-
 runt, serio exhortentur, & sedulo inducere
 tent, ut consuetas unctiones cum oleo san-
 ctio, in pectore, & scapulis, & in vertice
 cum Chrismate, (adjunctis solitis precatio-
 nibus, quæ in agendis habentur) aliosque ri-
 tus omisos, in seipfis per catholicum Sacer-
 dotem, juxta vetustissimum Ecclesias morem
 caute, & pie suppleri curent.

XVI. Eosdem monet, ut mane intra
 officia divina, aut mox post ea peracta, (non
 autem tempore pomeridiano post epulas, &
 præ-

prandia, nisi necessitas, aut periculum infan- Sæcul. XVI.
tium accelerare baptismum exposcat) cum A.C. 1549.
multa sobrietate, & accurata devotione ba-
ptismum administrent; Comessationes vero,
& parum sobria convivia, quæ quibusdam
in locis post baptismum sunt, per civiles
Magistratus inhiberi, aut saltem ad modera-
tionem Christianis dignam reduci volumus.

§. XCIII.

De Sacramento Confirmationis.

Decimus septimus articulus, qui agit de Sacramento Confirmationis, declarat, illud ex institutione Christi, & Apostolorum praxi, Ecclesiæ relictum esse, in quo, juxta Domini promissionem, Spiritum Sanctum, quo in baptismo ad peccati emundationem signati sumus, cum novo gratiæ suæ munere accipimus: videlicet, ut virtute ejus contra satanæ tentationes muniamur, ut gratia ejus, ad melius capienda fidei mysteria, illuminemur, ad Confessionem Christi fiduciam, & contra vitia robur accipiamus, quæ omnia Christus Dominus per Spiritum Sanctum, quem missurus erat, fidibus conferenda diserte promisit: ea vera, ut erant a Christo promissa, ipsis Apostolis in die Pentecostes exhibita, & ab eisdem per manuum impositionem in alios transfundи cepta, Actus ipsorum satis testantur: unde Ecclesia Catholica Spiritum Sanctum

Aaa 3

per